



SIARAN AKHBAR

PENGEMASKINIAN ALERT LIST BDCB

1. Brunei Darussalam Central Bank (BDCB) ingin memaklumkan orang ramai mengenai pengemaskinian Alert List BDCB.
2. Alert List BDCB merupakan senarai entiti-entiti (iaitu syarikat dan individu) yang tidak dilesenkan, dibenarkan atau dikawal selia oleh BDCB. Alert List ini dikeluarkan agar orang ramai berwaspada dan tidak disalah anggap bahawa individu atau syarikat yang disenaraikan adalah dilesenkan, dibenarkan atau dikawal selia oleh BDCB. Senarai ini adalah tanpa prejudis kepada sebarang penilaian lanjut oleh BDCB terhadap aktiviti-aktiviti entiti berkenaan.
3. BDCB juga ingin memaklumkan orang ramai bahawa syarikat atau individu yang telah dimasukkan ke dalam Alert List BDCB adalah seperti berikut:
 - a) Apex Tech Trader / Apex Capital Trade
 - b) Brunei Easy Cash / Brunei Easy Loan / Syarikat Loan Wang Trusted Fast and Easy Brunei Darussalam
 - c) Global Trade
 - d) Meta Trade / Meta Trade BN / Team Meta Trade Academy / Tech Centre Trade Fundation
 - e) Pusat Rawatan Atok Samjoyo (Wang Ajaib)
 - f) Syehk Abdullah bin Abuzar / Syehk Ahmad Abuzar / Syehk Hj Ali Abdullah (TikTok)
 - g) Sahabat Invest KTC (Kingdom Trade Company)
 - h) Trade Master Partners / Pelaburan Patuh Syariah Legit & Trusted / Investment Trade Master Partners Brunei
4. Alert List BDCB yang telah dikemaskinikan boleh didapati di laman web BDCB.
5. BDCB ingin menasihatkan orang ramai supaya hanya berurusan dengan institusi-institusi kewangan yang berlesen dan seterusnya, untuk berwaspada terhadap syarikat atau individu tidak berlesen yang menjalankan atau menawarkan perkhidmatan kewangan, terutamanya yang berunsurkan skim cepat kaya dan skim piramid. Antara perkhidmatan-perkhidmatan kewangan di bawah bidang kuasa BDCB adalah penukaran wang, pengiriman wang dan pinjaman wang. Orang ramai juga diingatkan bahawa perlindungan di bawah rangka kerja penyeliaan BDCB tidak dapat diberikan kepada sesiapa yang memilih untuk berurusan dengan syarikat atau individu yang tidak dilesen atau dikawalselia.
6. Orang ramai juga boleh melayari laman web BDCB di www.bdcdb.gov.bn atau Instagram BDCB @centralbank.brunei untuk maklumat lanjut mengenai bahaya entiti kewangan tidak berlesen serta cara-cara mengenal pasti penipuan kewangan.
7. BDCB akan terus mementingkan kestabilan kewangan Negara Brunei Darussalam dan mengutamakan perlindungan sistem kewangan dan kepentingan pengguna kewangan di Negara Brunei Darussalam.

BDCB juga akan terus memantau sebarang aktiviti kewangan yang mencurigakan atau tidak berlesen di Negara Brunei Darussalam.

8. Jika orang ramai mempunyai sebarang maklumat mengenai aktiviti kewangan yang mencurigakan atau tidak berlesen, sila hubungi:

BDCB	2380007 / 8380007 fci@bdcdb.gov.bn
Talian Bantuan Anti-Penipuan	16993

Brunei Darussalam Central Bank

Tarikh: 2 Jamadilawal 1447H / 24 Oktober 2025M

Rujukan: BDCB/COMMS/3